

## MAMA A DENUNCIA CU MENEER DI BIJLES LO A HACI ACTONAN INMORAL CU SU YIU

Diamars atardi a drenta informe di cu tin un dama ta denuncia cu un meneer di Bijles na Jaburibari lo a haci actonan immoral cu su yiu, mesora a dirigi un patruya na e sitio.

Na yegada di e patruya a bin compronde for di e mama cu su yiu a bay haya bijles cerca un meneer pero esaki lo a haci actonan immoral cu su yiu.

Polis a papia cu e yiu tambe y esaki a afirma locual a sosode. Como cu e meneer ta des-habilita a pidi'e a bini na warda di polis di Shaba unda lo atende cun'e.



## POLIS A DETENE SOSPECHOSO BUSCA PA HUSTICIA NA AVENIDA ALO TROMP

Recientemente recherche cu autorisacion di Ministerio Publico a emiti buskeda y detencion di un sospechoso.

Un patruya atento a tuma nota di su presencia na Avenida Alo Tromp.

Mesora nan a acerke y a detene.

E vehiculo di transporte di detenido a bin busk'e y a hib'e na oficiana di recherche pa asina por continua cu e investigacion.



## MEP LO SIGUI AUMENTA PENSION RESPONSABELMENTE

A subi pensioen 4 biaha pa un  
total di 15% entre 2017-2024





## Prome Minister Evelyn Wever-Croes:

# Relaciona cu Luna Nacional Contra Abuso di Mucha, GOBIERNO DI ARUBA TA ILUMINA BESTUURSKANTOOR CU LUZ BLAUW



Gobierno di Aruba, den salvaguardia e bienestar y su compromiso fuerte pa futuro di nos muchanan, a

declara luna di april como Luna di Conscientisacion Nacional Contra Abuso di Mucha. Esaki ta enfatisa e determinacion y esfuersonan colectivo di Gobierno, Comision Nacional di Abuso di Menor, organisacionnan y fundacionnan gubernamental y no gubernamental y henter comunidad di Aruba, pa elimina e crimen grave aki contra nos muchanan.

Diabierna awo, 12 di april pa 6or di atardi, den solidaridad cu e lucha global contra maltrato y abuso sexual di mucha, Gobierno di Aruba ta ilumina Bestuurskantoor na colo blauw como un gesto simbolico y un recordatorio di e

compromiso di Gobierno pa proteha derechonan y bienestar di cada mucha cu ta biba riba nos isla. Door di pone un enfoque riba e tema aki, ta fortalece e meta di inicia conbersacionnan importante, aumenta conscientisacion y mobilisa accion contra e crimen di maltrato y abuso sexual di menor.

Prome Minister, Evelyn Wever-Croes, den nomber di Gobierno di Aruba, ta extende un invitacion na henter nos comunidad pa uni na e evento importante di solidaridad aki diabierna awo, 12 di april cuminsando pa 6or di atardi, pa Cende Luz Blauw pa conscientisacion y prevencion di abuso di mucha.



“Ban uni den speransa, y manda un mensahe fuerte cu maltrato y abuso sexual di mucha no tin lugha den nos sociedad. Ban uni pa proteha nos muchanan, kendenan ta nos ciudadanonan di mas vulnerabel y esnan cu lo tuma over nos pais den futuro. Hunto, nos por haci un diferencia y sigura un futuro mas sigur y briyante pa nos muchanan”, Prome Minister ta enfatisa.

## DAMA CHAUFFEUR NO A REGULA SU VELOCIDAD NI A MANTENE DISTANCIA A BAY DAL TRAS DI E AUTO SU DILANTI NA SANTA HELENA STRAAT

Diamars mainta a drenta informe di un accidente cu hende herida na Santa Helenastraat, mesora a dirigi tanto polis como ambulans na e sitio.

Na yegada di e patrulla a bin compronde cu e dama chauffeur di e Volkswagen Up! no a regula su velocidad ni a mantene distancia y a bay dal tras di e Hyundai Accent su dilanti.

Debi na e impacto e dama chauffeur tabata keha di dolor, na yegada di e ambulans nan a atende e dama.





# Lider di MEP Evelyn Wever Croes : MEP LO SIGUI AUMENTA PENSION RESPONSABELMENTE

## A subi pensioen 4 biaha pa un total di 15% entre 2017-2024

Partido MEP ta un partido cu semper a pone nos adultonan mayor, nos pensionadonan na prome luga. Den un mundo di progreso, hopi biaha e sabiduria y e contribucion di esnan cu a construi nos pais, ta wordo tira un banda pa gobiernonan. Sinembargo, Partido MEP semper ta keda firme, pasobra e grandesa di un sociedad no ta wordo midi door di su avansenan, sino door di con e pais ta cuida di su adultonan mayor.

E bienestar di nos

ciudadanonan aki tin prioridad pa Partido MEP. Nos meta ta pa sigura e dignidad di nos pensionadonan, brindando nan seguridad y comodidad dentro di un maneho responsabel. For di aumento di placa di pension, cuido medico, y servicio social alcansabel, cada decision cu a wordo tuma pa Partido MEP, ta basa riba e principio cu ningun pensionado, ningun adulto di edad avansa, mester sinti su mes abandona y laga atras.

P'esey, Partido MEP no ta haci promesanan falso, pero ta traha na bienestar di esnan mas vulnerabel den nos pais.

Apesar di tur crisis cu nos pais a enfrenta, desde cu Gabinete Wever-Croes a drenta gobierno, a subi pensioen 4 biaha pa un total di 15% entre 2017-2024. Ademá, Gobierno lo por subi e pensioen e aña aki atrobe. Y cada biaha cu MEP a hisa pension pa nos grandinan, MEP a haci esaki responsabelmente. MEP a hisa reparatie



toeslag di pensionadonan y a baha impuesto pa asina suavisa calidad di bida di nos ciudadanonan mayor.

"Nos adultonan mayor ta e constructor y pilarnan di nos pais. Compromiso di Partido MEP den gobierno ta pa sirbi nos pueblo pa un miho futuro, sea cua sea ta bo edad. Partido MEP ta balora, respeta y brinda

cuido y speransa na cada ciudadano y specialmente na nos adultonan mayor.

Nos compromiso ta sigui pa no solamente nos aprecia nan, sino pa gradici nan pa e hecho cu nan ta e pilarnan riba cua nos sociedad awe ta para firme", Lider di MEP a enfatisa.

## DOÑO TA DESCUBRI ADICTO AMBULANTE TA KIBRA SU AUTO PA HORTA PERO A GAR'E LUCHA CUN'E TOCH ELA LOGRA HUY

Dialuna mainta tempran a drenta informe di un lucha andando na Noord, mesora a dirigi un patruya na e sitio. Na yegada di e patruya nan no a encontra cu nada. Un rato despues nan a ser avisa cu ta patras di e adres e cos mes a tuma lugar. Ora a regresa na e sitio a bin haya sa cu e adicto ambulante G.P.

A ranca na e frame di e porta kibra e glas y e doño a sali pafo door di e sonido y a wak e adicto y a bay su tras. Den un forsageo a gar'e na su flanel pero a logra kita e flanel y esaki a cay abao y e sospechoso a logra huy pero sin nada. Pero ademá e doño a keda cu gasto di drecha e porta pa e daño causa



## CAMBIA PERSPECTIVA TOCANTE OBESIDAD: SA BO NUMBER Y MIDI BO PESO





# MINISTER ENDY CROES A ATENDE SIMPOSIO DUTCH CARIBBEAN DIGITAL HERITAGE WEEK, ORGANISA PA COLECCION ARUBA



: Dialuna ultimo, Minister di Enseñansa y Deporte Sr. Endy Croes hunto cu Su Excelencia Gobernador di Aruba Sr. Alfonso Boekhoudt, Presidente di Parlamento di Aruba Sr. Edgard Vrolijk y colega Minister di Finanzas y Cultura Sra. Xiomara Maduro a asisti na e apertura Dutch Caribbean

Digital Heritage Week cu a tuma lugá den e ballroom di Aruba Marriott Resort & Stellaris Casino.

Den cuadro di e cooperacion y colaboracion riba e tereno digital pa conecta nos herencia comparti den Caribe Hulandes, plataforma Coleccion Aruba a organisa



e simposio aki. Tabatin diferente orador nacional y internacional entre otro, representante di Inter Archive di Merca, Netwerk Digitaal Erfgoed di Hulanda, Beeld en Geluid di Hulanda y orador di Curaçao y Aruba. Durante e simposio aki, a duna un presentacion di coleccion. aw, cual ta un medio pa keda interconecta y intercambia informacion di nos herencia cu Caribe Hulandes.



Durante e ocasion aki, Coleccion Aruba a lansa nan website den un bachi completamente nobo. Minister Endy Croes ta felicita e Archivo Nacional

y Biblioteca Nacional Aruba pa organisa e gran simposio aki y ta gradici nan pa cultiva Aruba su herencia cultural.

## ACCIDENTE PA FALTA DI PREFERENCIA NA ROTONDE TARABANA

Dialuna atardi a drenta informe di un accidente na e rotonde Tarabana, mesora a dirigi un patrulla na e sitio. Na yegada di e patrulla a bin compronde cu aki ta trata di un accidente pa falta di preferencia. Afortunadamente ningun hende a resulta herida.





# MINISTER DI ENSEÑANSA, CULTURA Y CIENCIA DI HULANDA, ROBBERT DIJKGRAAF A BISHITA GOBERNADOR DI ARUBA



Dia 9 di april ultimo, Gobernador di Aruba, Su Excelencia Alfonso Boekhoudt, a ricibi na Cas Ceremonial di Gobernador e minister di Enseñansa, Cultura y Ciencia di Hulanda, Robbert Dijkgraaf. Minister Dijkgraaf ta dirigi un mision di conocimiento cual ta inclui directivanan



di 10 instituto di mbo, hbo y universidadnan y tambe representantenan di entre otro e Academia Real Hulandes di Ciencia durante nan bishita na Aruba. E intencion di e bishita

na Aruba ta pa reforsa e cooperacion riba tereno di enseñansa y investigacion entre Aruba, Hulanda y e otro parti di Reino. Tambe tin atencion den e programa pa contribui na concientisacion di e impacto di abolicion

di esclavitud. Den e intercambio entre Gobernador y minister Dijkgraaf, a subraya e importancia di continua desaroya e bon cooperacion riba tereno di enseñansa.

## HOMBER DI EDAD A SALI FOR DI CAS PA ANCIANO NA TANKI LEENDERT Y A YEGA TE NA TANKI FLIP



Diamars mainta a drenta informe di cu un homber di edad a yega Tanki Flip tur bruha, mesora a dirigi un patruya na e sitio. Na yegada di e patruya a bin compronde cu aki ta trata di un cliente di un cas di

anciano cu a yega te eynan. Polis a percura pa e yega su sitio bek.

SERVICES

- Massage therapies
- Facial treatment
- Hair style
- Pedicure & manicure treatment
- Makeup & waxing

For More Details:

- # 5684142 (WhatsApp)
- armoniyabellezasalonspa@gmail.com
- Shiribana 12 b, Aruba



## Minister Ursell Arends:

# PROME LUSTRO DI TELEFON PA ADULTO MAYOR 125



Diahuebs 4 di april celebra e prome aniversario di Telefoon pa Adulto Mayor. Un proyecto cu ta brinda sosten telefonicamente na adultonan mayor cu e meta pa combati sentimento di soledad y isolacion.

E iniciativa di un telefon pa adulto mayor a cuminsa durante pandemia unda por a tuma nota di soledad bou di nos comunidad. Hunto cu Ministerio di Adulto Mayor y Directie

Ouderenzaken a logra cu Club Kibrahacha por a reinicia e liña di telefon cu e slogan "Mi ta inclui", paso tur hende merece di sinti nan mes balora den nos comunidad. Awe, e tin su mesun number di telefon, 125. Un number cu por yama gratis y cu ta trece speransa y sosten pa nos adultonan mayor.

Cu compasion y dedicacion boluntarionan di Club Kibrahacha a bin ta

maneha Telefoon pa Adulto Mayor den e ultimo aña ofreciendo un orea na cualkier adulto mayor cu ta sinti e necesidad. Si acaso ta sinti tristo, haya falta di bo sernan keri, ta buscando asistencia social, of simplemente kier un combersacion ameno, e servicio di telefon ta disponibel pa tur adulto mayor di dialuna pa diabierna di 8.30AM pa 12.00PM. Minister Arends, encarga cu Asuntonan di Adulto Mayor, a aloca fondo necesario pa pronto por amplia e orarionan te cu atardi y tambe posibilidad pa den fin di siman.

Club Kibrahacha a presenta data colecta durante e ultimo aña cual entre otro e luna cu a ricibi mas yamada tabata na november cu 118 yamada.



E top tres districtonan cu tabata yama ta Paradera, Savaneta y Oranjestad.

"Mientras nos ta celebra e gran logro aki, laga nos afirma nos compromiso cu nos adultonan mayor. Inclui nan den nos bida, honra nan experiencia y brinda amor y aprecio pa nan contribucion valioso den nos comunidad," Minister Arends ta remarca.

Minister Arends ta gradici tur cu a logra haci e proyecto importante aki posibel. E esfuersonan di Lenny Geervliet, Thaina Colina, Kelsey Arends y sigur tur boluntario cu a logra cu cada yamada por ta un sonrisa extra of un ayudo necesario. Por haya mas informacion di e Telefon pa Adulto Mayor na [www.mitainclui.aw](http://www.mitainclui.aw) of riba e pagina di Facebook Telefoon pa Adulto Mayor 125.

## STUDIANTE DI UNIVERSIDAD TA INICIA ESTUDIO TOCANTE COMUNIDADNAN DI PISCADO DEN CUADRA DI TRANSFORMACIONNAN GLOBAL

Mi nomber ta Claire Durang, y mi ta un estudiante di Universidad di Utrecht. Mi ta tumando parti di un proyecto di investigacion basa riba comunidad di Aruba bou auspicio di Universidad di Aruba y Departamento di Agricultura, Cria y Pesca (Santa Rosa). Mi investigacion lo explora e retonan y vulnerabilidadnan cu piscadonan y nan famia ta enfrenta den temponan di cambionan global cu ta tumando lugar. Transformacionnan global den e caso aki ta inclui e impacto cu islanan ta enfrenta di e.o. cambio climatico, e necesidad pa paisnan atene metanan di desaroyo sostenibel, y traha pa yega na un turismo sostenibel. Pa compronde miho con e transformacionnan aki

ta afecta e comunidad di piscado di Aruba, lo haci un estudio proximamente. Investigacion:

Mi ta desea di bishita piscadonan y comunidad y scucha storianan cu algun di nos piscadonan y nan famia ta dispuesto pa comparti. Mas especificamente, mi ta ancioso pa siña for di piscadonan di Aruba, con lo por crea e balansa entre implementa deseonan di conservacion, manera areanan di parke marino, mientras envolviendo, scuchando y tumando encuesta e necesidadnan di stakeholder local manera piscado di Aruba particularmente. Pa logra metanan comun den practicanan di bon gobernacion, ta esencial

respetanan tur partidonan involvi. Den e caso di piscamento, e ta particularmente importante pa proteha e recurso natural, mientras ta percura pa tradicion y entrada economico cu ta depende di e recurso natural sigui wordo eherce. Proteccion di naturalesa lo mester keda implementa cu suficiente concientisacion, envolvimento di gruponan di interes y pesey no por bin a costo di negligencia e necesidad y deseonan di comunidad di piscadonan. Mi ta desea di curason pa por observa, scucha y compronde e punto di bista di piscadonan di Aruba mes. Atravez di un colaboracion estrecho cu Santa Rosa su seccion di pesca, mi ta desea y lo purga di acerca mas tanto piscado di Aruba,



di tur tipo, cu ta posibel pa asina por logra un bista mas completo y corecto pa e investigacion. E pensamiento ta cu e estudio aki por contribui pa mihor meta y vision pa formulacion di maneho practico pa futuro.



# A.T.A. TA LANSA WEBSITE NOBO DEDICA NA E COMUNIDAD LOCAL

‘Bishita: [www.ata.aw](http://www.ata.aw)’



Cu lansamento di website [www.ata.aw](http://www.ata.aw), A.T.A. ta sigui comparti informacion entre otro relatonan di prensa, noticia, informacion, “insights”, diferente estudionan y rapportnan mensual cu resultadonan di turismo y mas. E website aki ta facilita A.T.A. pa ta conecta y pa sigui informa e comunidad local di hopi di locual cu A.T.A. ta dedica na dje.

Un canal cu ta provee informacion di e organisacion den su totalidad di entre otro, e vision, mision, balor, proposito di A.T.A., informacion di contacto local, y informacion di tur oficina cu A.T.A. tin disponibel den diferente mercado internacionalmente.

Alabes, e website ta comparti e canalnan local cu A.T.A. ta utiliza

pa comparti noticianan relevante cu e comunidad. Esaki ta inclui pagina di medio social Facebook, Instagram, y awor cu un pagina di YouTube pa e mercado local cu ta comparti videonan cu ta wordo produci y uza localmente di entre otro, e serie di podcast di A.T.A. Talks About.

Parti di e estudionan disponibel ta “GenZ & Millenials Report 2023” y estudionan di diferente mercado incluyendo Merca, Europa, Latino America, Reino Uni, Canada, Suiza, y mas. Segun cu A.T.A. ta haci investigacion y/of ta update estudionan y rapportnan mensual y anual, lo comparti esakinan pa

medio di e sitio web.

Nos ta invita e comunidad local pa bishita [www.ata.aw](http://www.ata.aw) y haci esaki bo canal principal pa noticia directo di A.T.A.

Por tuma contacto cu Milouska Solognier [m.solognier@aruba.com](mailto:m.solognier@aruba.com) pa mas informacion.

Tocante Aruba Tourism Authority (A.T.A.)

Desde 1 di januari 2011, Aruba Tourism Authority ta opera como un entidad ‘Sui Generis’. Un organizacion independiente den e esfera publico. Aruba Tourism Authority ta fungi como ‘Destination Marketing and Management Organization (DMMO)’ y ta responsabel pa uni interes

turistico entre socionan local e internacional. A.T.A. ta pone hopi enfasis riba e e modelo di “High Value-Low Impact” cu ta para pa un balans entre aumenta e balor economico di e bishitante, posiciona Aruba como un pais desea y sostenibel, y posiciona Aruba como lider di desaroyo como un destinacion.

Cu meta pa sigui mantene esfuerzonan den linea segun e balans menciona, y logra aumenta entrada pa medio di calidad di turismo en bes di e volumen cu nos destinacion ta ricibi. Capacidad di carga ta sigui ricibi atencion di parti di A.T.A.

## PLAN DI MAYOR TA OFRECE AYUDO PA FAMIANAN DURANTE Y DESPUES DI UN SEPARACION

Dunando e mucha un plataforma unda cu e por vocifera su opinion y deseonan. Luna di april ta Luna Nacional di Conscientisacion Contra Abuso di Mucha. Abuso di Mucha ta encera diferente tipo di abuso manera, abuso fisico, abuso emocional, abuso sexual. Algun ehempel di abuso emocional ta; negligencia, abuso psicologico, abuso medico, y expone un mucha na violencia relacional. Efectonan di separacion tambe por tin entre otro consecuencianan ariba e estado emocional di muchanan. Durante un separacion por pasa cu mayornan no ta consciente di e estado emocional cu nan yiunan ta aden.

Plan di Mayor kier a introduci e siman di conscientisacion di efecto di separacion ariba muchanan. Entre e fechanan 15 di april te cu 19 di april 2024 Plan di Mayor lo pone foyetonan informativo ariba nos pagina di

facebook tocante e efectonan cu muchanan por experiencia durante un separacion cu por tin impacto pa bida largo. E foyetonan aki lo tin conseho pa mayornan por yuda nan yiunan durante y despues di e separacion. E foyetonan lo enfoca ariba e efectonan ariba muchanan di diferente edadnan di: 0-2, 2-4, 4-6, 6-9, 10-12, 12-14 y 14-20 aña.

Pa clausura e siman di conscientisacion di e efecto di separacion ariba muchanan, Plan di Mayor ta organisa un charla tocante Manipulacion Parental. Manipulacion Parental ta un forma di abuso dirigi na e Mayor cu daño emocional causa na muchanan y ta socede hopi bes durante of despues di un separacion. E charla di Manipulacion Parental lo tuma lugar na MFA Santa Cruz dia 19 di april 2024 di 6:00PM - 8:00PM y ta completamente gratis. Plan di Mayor kier a invita pueblo di Aruba pa atende e charla y ta mas consciente tocante



manipulacion parental. Por registra na: <https://forms.gle/5hCkmHeyZEeqeqgd8>.

P

lan di Mayor ta situa na MFA Santa Cruz na e di dos piso. Pa cualkier informacion por tuma contacto cu nos na e email di [plan.di.mayor.aruba@gmail.com](mailto:plan.di.mayor.aruba@gmail.com), por sigui nos ariba nos pagina di facebook: Plan di Mayor Aruba. Si ta desea pa cuminsa cu e trayectoria di mediacion por registra via e webiste na [www.plandimayor.org](http://www.plandimayor.org).



## Prome Minister Evelyn Wever-Croes:

# Gobierno ta traha na bienestar di nos grandinan LO AMPLIA E ORARIO DI OPERACION DI E LIÑA DI TELEFON PA E ADULTONAN MAYOR



- Diamars atardi, Prome Minister Evelyn Wever-Croes a atende e celebracion di e prome aniversario di e liña di telefon pa adultonan mayor na Club Kibrahacha na Piedra Plat. E liña aki, ta duna nos grandinan e oportunidad di por yama pa busca informacion,

pa pidi yudansa, of pa combersa den caso di cualkier preocupacion. E number di e liña aki ta 125, y ta actualmente disponibel di 8 am - 12 pm. Mirando e necesidad di nos grandinan pa por ta constantemente den comunicacion, Gobierno



a aloca fondo pa amplia e orarionan te cu atardi, y pa otro aña lo pone e liña aki disponibel tambe durante fin di siman.

Prome Minister a indica cu e iniciativa aki a cuminsa durante e pandemia, na unda cu tur hende mester a distancia di otro. Mirando cu e adultonan mayor, como esnan mas vulnerabel e tempo ey pa contagia cu covid a wordo isola, a busca diferente manera pa toch famianan

por a comunica cu nan sernan ker. Aki ta unda a bin cu e liña di telefon 125, cu awe tin un aña den funcion, na disposicion di nos grandinan.

Señora Thaina Colina di Club Kibrahacha a duna un presentacion hopi interesante cuminsando pa splica con e Proyecto aki a bira realidad y a presenta e resultado di e prome aña di Telefon pa Adulto Mayor na unda cu tambe por a muestra e lokaal nobo di

125.

Prome Minister ta felicita Minister Ursell Arends pa su dedicacion na nos grandinan, poniendo mas fondo dipsonibel, pa asina amplia e orarionan di operacion di e liña aki. Minister Arends tambe a hiba palabra na e ocasion. Tambe, ta felicita y gradici Club Kibrahacha y e 14 boluntarionan cu a bin ta eherciando e trabou aki cu hopi amor.

## LADRONNAN A KIBRA DRENTA HORTA DEN CAS NA MEIVELD Y BAY CU UN AUTO DI E FAMILIA

Diadomingo atardi a drenta informe di un caso di kiebrot y ladronia na un cas na Meiveld, mesora a dirigi un patruya na e sitio. Na yegada di e patruya a bin compronde cu ademas di a kibra drenta horta pertenencianan a haya yabi di un auto y a bay cu e auto for di e sitio. Ta trata aki di e Suzuki Every color blanco A66630. Polis a pasa e investigacion na e team di recherche encarga cu ladronia.





# TAYER PA HOBEN RIBA TOPICO “POSITIVE SELF TALK” NA CENTRO DI BARIO SANTA CRUZ



Heart-Centered Leadership Foundation (HCLF) ta organisa un tayer pa hoben riba e topico di “Positive Self Talk”.

Hopi biaha hobennan ta enfrenta retonan cu por impacta nan confiansa propio y salud mental. Como un fundacion cu ta traha cu y pa hoben, HCLF ta reconoce e necesidad aki. Conhuntamente cu Centro di Bario Santa Cruz ta ofrece hobennan un tayer interactivo y

motivante. E tayer ta enfoka riba empodera hobennan a traves di e practica di ‘Positive Self Talk’ cu e meta pa ekipa hobennan cu hermentnan valioso pa fortifica nan autoestima y promove nan bienestar y resiliencia mental.

Durante e tayer, e participantenan lo siña un tiki mas tocante pensamentonan negativo, ricibi herment pa maneha esaki y crea un combersacion interno mas positivo. A



traves di diferente actividad y discussionnan den grupo, participantenan lo descubri e poder di afirmacion propio y desaroya technicanan pa por supera dudanan cu ta crea pensamiento negativo y stroba e hobennan di logra metanan personal y academico. E tayer lo tuma luga Diasabra 20 di april di 4:00 pm te cu 6:30 pm na Centro di Bario Santa Cruz, situa na Pabilon 101F. Edad di participacion ta 13 pa 17 aña. Mayornan, familiarnan,


docentenan y dimas comunidad ta invita pa comparti e tayer aki cu hobennan pa asina nan ta mas mentalmente resiliente.

Cupo ta limita. Participacion ta gratis pero registracion ta necesario. Pa mas informacion of pa registra un hoben pa e tayer por tuma contacto cu HCLF via nan liña di whatsapp 5841211 of cu Centro di Bario Santa Cruz na 5942293. Tocante HCLF:

Heart-Centered Leadership Foundation (HCLF) ta un fundacion cu a keda estableci na 2008 cu e meta pa inspira y empodera hobennan di Aruba. Desde 2012 e fundacion ta ofrece diferente tayer, actividad y seminario unda hobennan ta sera conoce nan mes miho y traha riba nan desaroyo personal y profesional. E tayer aki ta parti di e proyecto Curason pa Curason, cu ta parcialmente funda door di e fondo Hulandes Fonds 21.

## CHAUFFEUR A BAHAMINDA Y BAY DAL RIBA UN PALO DI LUS NA SABANA GRANDI

Diamars madruga a drenta informe di un accidente na Sabana Grandi, mesora a dirigi un patrulla na e sitio. Na yegada di e patrulla a bin conpronde cu aki ta trata di un accidente unda cu e chauffeur di un Mitsubishi Lancer a baha caminda y a bay dal riba un palo di lus. Afortunadamente ningun hende a resulta herida.





# Lider di oposicion, mr. Mike Eman: 10 CEN AUMENTO PRIJS GASOLIN TA RESPONSABILIDAD DI EVELYNE WEVER CROES



Diamars Aruba a haya den su scochi atrobe e anuncio for di minister di asuntonan economico Geoffrey Wever tocante otro aumento den e prijs di gasolin riba nos isla. Un cambio cu, manera ta custumber, tin su efecto domino den henter e cadena di suministro y servicio, afectando hunto cu ne, e poder di compra di e ciudadano.

Lider di Partido di Pueblo Arubano, AVP, mr. Mike Eman ta bisa cu Evelyne Wever Croes a kita e descuento di 10 cen pa liter di gasolin cu tabata vigente te na 2017 durante Gabinete Mike Eman I y II. Kitando e reduccion aki ta haci cu Gabinete Wever Croes no por laba man sin mas awe y bisa cu e aumento ta netamente internacional. Tambe Gabinete

Wever Croes a aumenta e BBO di 3% pa 7%. E 7% aki ta worde paga den dos schakel riba gasolin. E schakel di FEMSA/RDA pa e gasolin station y di gasolin station pa e cliente. Tur esakinan si ta medidanan di gobierno cu awe ta haci e prijs di gasolin aun mas caro cu unicamente e efecto internacional. Pesey Evelyne Wever Croes ta responsabel pa e castigo aki cu Pueblo ta pasando aden.

Ta e medidanan aki di Evelyne Wever Croes ta local ta haci cada aumento internacional aun mas severo y pisa pa pueblo. Eman ta bisa cu su gobierno a laga di cobra 12 milyon pa anja na e 10 cen di descuento aki 8 anja largo pa pueblo haya un alivio, practicamente 100 milyon a laga den saco di pueblo

y e promer cos cu Evelyne Wever Croes a haci ta kita e descuento aki di pueblo y riba dje subi BBO di 3% pa 7% local ta dal pueblo den dos schakel, 14% ariba dje.

“Tur aña tabata sacrifica di nos gabinete 12 milyon florin pa por a subsidia cu e 10 cen aki y un di e prome medidanan cu Gabinete Wever-Croes, cu den campana a bisa cu lo baha gasolin, tabata di kita e descuento di 10 cen aki,” asina e lider di oposicion, mr. Mike Eman a indica. “Den e contexto aki Gabinete Wever-Croes ta carga un responsabilidad directo pa e peso di e gasolin cu ta azotando nos pueblo y cu awe ta azota atrobe nos comunidad.”

Tabata un irresponsabilidad di MEP, pa den tempo di campaña priminti di lo

baha gasolin, sabiendo cu esey ta practicamente imposible y ainda ta wardando e barco di Glenbert Croes cu gasolin barata yega. Obviamente tabata djis promesa fofu cu MEP a haci. Loke si e gobierno actual por a haci tabata di mantene e descuento di 10 cen; algo cu AVP si a logra den tempo hopi mas dificil pa entrada di Pais Aruba. Tambe mester a exonera gasolin di e BBO di 7%, pero esey tambe ta bai den saco di Gabinete Wever Croes. “Insult on injury”, Eman ta expresa.

Den conclusion, e lider di AVP a recorda un y tur cu si awe na pomp di gasolin bo tin cu paga atrobe, corda cu 10 cen di e aumento aki y e 14% di BBO ta directamente culpa di Evelyn Wever-Croes y su medidanan.

## Polis a detene chauffeur burachi coriendo malo net ora ela yega su cas



Dialuna atardi a drenta informe di cu tin un chauffeur coriendo auto bao influencia y treciendo trafico den peliger riba caminda. Ta trata aki di un chauffeur den un v-wagen polis a logra yega na cas di e chauffeur y a detene pa a core auto burachi y trese

trafico den peliger.





# Celebrando e di 15 Miss Teen Aruba International Miss Teen Aruba International ta cla pa su temporada 2024



Instalacion lo tuma lugar den Mei y Final lo ta 13 di July 2024 den Renaissance Convention Center. GLW Foundation ta den pleno preparacion pa Miss Teen Aruba International 2024. E aña aki celebrando 15 aña di eleccion unda cu durante añanan Miss Teen Aruba International a sa di demostra cu e comision ta traha den e mihor formacion di e candidatanan y e logronan durante e utimo 17 añanan aki cu George Winterdaal como Presidente pa e prueba di e trabou cu e candidatanan. Paisnan unda e candidatanan a bai ta Rep Domincana, Panama, El Salvador, Bahamas,

Guatemala, Costa Rica, Nicaragua, Honduras, Colombia, Bulgaria y mas. Desde cu George a tuma e presidencia di Miss Teen Aruba y despues Miss Teen Aruba International a usa e lema "Algo mas cu un certamen di beyeza" y tur aña ta organiza diferente proyectonan. GLW Foundation ta haci e.o Cupcake di Speranza, Un man pa nos ruman, Feed the Kids y tambe un sin fin di actividadnan caritativo cu e candidatanan. E commission organisador ta sigur prepara e candidata cu tur equipo necesario pa asina por yude den su desaroyo pa futuro. Hopi candidatanan

di Miss Teen Aruba International despues a sigui participa den otro Plataformanan manera Reina Hispanoamericana, Miss International, Miss World y Miss Universe.

Bo tambe kier participa? Wel ta masha facil?

E aña aki GLW Foundation a haci algun cambio masha interesante.

Bo tin e edad di 15 pa 19 aña? Bo tin gana di biba un experiencia unico? Bo kier representa Aruba na nivel international? Bo kier amplia bo conocimiento general y siña mucho mas di varios topico. Wel esaki ta bo chens pa participa.

Gastonan?

Hopi biaha e preocupacion di Mayornan ta e gastonan halto cu no nesariamente ta asina, Mirando e situacion comishon organisador e aña aki lo cobra un suma masha atractivo cu lo cubri basicamente tur gasto di a candidate pa e eleccion official. E suma cu lo paga ta inclui e inscripcion di e candidata, trahe di baño pa anochi final (e aña aki lo trece trahe di baño bek), Trahe di Baile di apertura, Trahe pa Entrevista cu Hurado, Sapato pa anochi final, Trahe di Gala (diferente diseño) pa anochi final, Tshirt Uniform pa e temporada)

Lo tin un anochi informativo pa tur mayor of hobennan cu ta desea di ricibi mas informacion di e competencia, esaki lo tuma lugar diabierna 12 April 2024 na Plaza Betico Croes di 7 pa 9 pm.

Si cualkier mayor ta desea mas informacion por yama libremente George

Winterdaal na 5616151 of Nurianne na 6990840 y asina por ricibi tur informacion y detaye. Final di Miss Teen Aruba International lo tuma lugar diasabra 13 di July den Renaissance Convention Center. GLW Foundation a prepara un agenda di actividadnan creativo, social y educativo masha great mes cu hopi eventonan

unda nan lo siña hopi pero tambe lo have fun y disfruta di e temporada 2024.

Nos ta desea GLW Foundation tur clase di exito pa e temporada nobo di Miss Teen Aruba International. Bo ta desea di representa Aruba na nivel international, no duda mas y yama awe mes pa mas informacion na 5616151.

## MARAVILLAS DE LA FE



Salud  
Suerte - Amor

Aruba: 748-5671

Cartas di tarot

Bo ta suirí di un malestar cu bo no por cura?  
 Bo ta victima di bruheria?  
 Bo plaka no ya jega?  
 Bo cumpra numbernan y bo no ta gana?  
 Bo ta bai casino y no puede tur bo plaka?  
 Bo tin problemanan di amor?  
 Bo pareja ta gañabo?  
 Fracaso, Soledad, Malesanan angustia, Mala suerte  
 Comunica na 748 5671

## HOOI FRESCO

A YEGA PA ALF 39,- SO!!!

TEL: 5941317

ADDRESS: THE GOLD MINE

RANCH ( MATIVIDIRI 60 )



# Hobencita turista haya benta fuera di conocimiento banda di caminda panort di Ritz Carlton

Dialuna atardi a drenta informe di cu tin un hende benta abao cu lo a caba di cay banda di caminda panort di Ritz Carlton, mesora a dirigi tanto polis como ambulans na e sitio.

Na yegada di e patruya a bin compronde cu a haya un joven-cita turista cu tabata inconciente benta banda di caminda. E vic-

tima no tabata papia nada ambulans a atende y a transporte pa hospital. Polis a sigi busca informacion y a logra haya sa cu e mayornan ta na un canch di tenis den cercania y a avisa nan di e sucedido y mesora a bay hospital y tambe slachtofferhulp tambe a bay na hospital pa asisti e famia cu consuelo y guia.



## Polis y bomberonan a bay Kudawechea pa 3 candela na e mesun area treciendo pelider y menasando casnan



Dialuna atardi birando anochi a drenta informe di cu tin no un pero 3 caminda candela cerca di otro na Kudawechea, mesora a dirigi bomberonan na e sitio pa paga esaki. Na yegada di omber nan a cuminda na paga esun cu tabata mas cerca di un cas y despues a sigi pa e otro-nan.







# HOROSCOPO

## 11 di april 2024

Horoscopo pa dia 11 di april 2024

Feliz y productivo diahuebs. Awe Solo di Pueblo ta presenta bo horoscopo pa dia 11 di april 2024.

**Aries**  
Expresa bo sentimentonan, bo pareha no ta un clarividente. Importante desestabilisacion econoico. Den ambiente laboral, problema door di bo actitud negativo. Bo sentido di humor lo ta miho pa alivia stress. Number di suerte: 11, 45, 6.

**Tauro**  
Lo bo bay ripara cu ya bo no ta sinti nada pa bo pareha. Economicamente, un eventual emergencia ta aparece. Danki na bo intuicion, bo por sali exitoso di un negoshi. Bo bon salud lo permiti bo haci loke bo kier. Number di suerte: 64, 34, 7.

**Geminis**  
Paga menos atencion n’e personanan cu bo kier konkista. Bo situacion economico ta flamboyant. E confiansa y e siguridad ey lo traduci den exito profesional. No forsa e makinanaria of bo salud lo sufri. Number di suerte: 74, 61, 7.

**Cancer**  
Den bo relacionnan familiar, e lo t’esun cu lo impone ordo. E astronnan ta marca un tendencia den spaarmento. Ta un perfeccionista den trabao no semper ta bon. No sigui retrasa e bishita p’e dentista, despues e por bira pio. Number di suerte: 81, 74, 9.

Leo

Bon momento den bo bida sentimental. Bo economia lo ta den halsa, inverti. Den trabao, no mete den tarea cu no ta di bo. Cu alkier momento ta bon pa haci gym. Number di suerte: 34, 15, 5.

**Virgo**  
Sorpresa den un relacion den cual bo no ta confia hopi. Awe nan lo debolbebo e placa cu nan a presta un tempo pasa. Bo companeronan tin hopi bon opinion di bo. Contra insomnio, lanta y lesa te ora cu bo soño bolbe. Number di suerte: 68, 48, 4.

**Libra**  
Bo trabao lo haci cu bo mester bandona bo pareha. E asuntonan economico ta permanece un punto morto. E astronnan lo yuda bo scoge bo caminda profesional. Corda cu haci nada de bes en cuando ta sano. Number di suerte: 26, 69, 1.

**Scorpio**  
Duna bo pareha tempo pa mira e solucion. Studia e forma di saca mas provecho di bo spaar. Bo afan pa supera cada dia lo haci cu bo trabao lo mehora. Un nek stijf leve por protagonisa e dia aki. Number di suerte: 85, 59, 2.

**Sagitario**  
Concede tempo pa aclaria cu bo pareha. Bo a gasta mas di cuenta, siña e les. No agobia na trabao, turcos ta resolvi. Bo tin cu lubida bo obsesion pa dieta pa algun dia. Number di suerte: 88, 44, 4.

**Capricornio**  
Demuestra bo cariño n’e persona stima. Spaar un poco mas, asina lo bo sinti bo mes sigur den futuro. Cada biaha nan ta convoca bo mas n’e reunionnan di empresa. E parti mas delicado di bo organismo lo t’e stoma. Number di suerte: 96, 23, 4.

**Acuario**  
Amabilidad ta contribui pa bo tin exito entre bo amigonan. Studia bo activo y pasivo y saca conclusion. Lo yega na acuerdo beneficoso cu bo companeronan. Bo mester pone remedi n’e molesternan chikito aki. Number di suerte: 37, 33, 2.


**Piscis**  
Stabilidad perfecto den amor, percura pa manten’e. Bo por gana algun placa extra. Pone den marcha e iniciativa laboral largamente desea. Reduci e salidanan nocturno. Number di suerte: 62, 59, 3.

### Clasificados





**SOLODIPUEBLO@GMAIL.COM**  
**CEL. 585 9500**






Paardenbaastraat 10, Oranjestad, Aruba Tel.: (297) 525 - 7555  
www.lottoaruba.com  
Resultado : Sorteo 10 April 2024 Merdia

<b>CATOCCHI</b> Sorteo # 4234 <b>0086</b> <b>7239</b> <b>6983</b> MULTI-X <b>FP</b> <b>BIG 4</b> Sorteo # 4234 <b>4759</b> MULTI-X <b>X2</b> <b>10FF</b> Sorteo # 2290 <b>8086</b> <b>ZODIAC</b> Sorteo # 4234 <b>8268</b> <b>Sagitario</b> <b>LUCKY 3</b> Sorteo # 1108 <b>516</b> MULTI-X <b>X2</b>	<b>LOTTO 5</b> Sorteo # 0 x Jackpot 0 x Match 4+ 0 x Match 4 0 x Afl. 12,00 Joker Letter Proximo Jackpot <b>190.000,-</b>	<b>LOTTO DIA</b> Sorteo # 0 x Jackpot 0 x Match 4 0 x Afl. 8,00 Proximo Jackpot <b>52.000,-</b>	<b>MEGA</b> Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 Mega Ball Proximo Jackpot <b>350.000,-</b> <b>Afl. 450.000,-</b>	<b>KORSOU</b> Sorteo # 
--	---	---	---	---



Paardenbaastraat 10, Oranjestad, Aruba Tel.: (297) 525 - 7555  
www.lottoaruba.com  
Resultado : Sorteo 9 April 2024 Anochi

<b>CATOCCHI</b> Sorteo # 8214 <b>5173</b> <b>2175</b> <b>4772</b> MULTI-X <b>X3</b> <b>BIG 4</b> Sorteo # 7258 <b>4616</b> MULTI-X <b>FP</b> <b>10FF</b> Sorteo # 1963 <b>3455</b> <b>ZODIAC</b> Sorteo # 6017 <b>6593</b> <b>Capricornio</b> <b>LUCKY 3</b> Sorteo # 947 <b>506</b> MULTI-X <b>X2</b>	<b>LOTTO 5</b> Sorteo # 0 x Jackpot 0 x Match 4+ 0 x Match 4 0 x Afl. 12,00 Joker Letter Proximo Jackpot <b>190.000,-</b>	<b>LOTTO DIA</b> Sorteo # 6439 0 x Jackpot 2 x Match 4 139 x Afl. 8,00 <b>06-13-14-19-29</b> Proximo Jackpot <b>52.000,-</b>	<b>MEGA</b> Sorteo # 1652 0 x Jackpot 0 x match 4 4 x Afl. 500,00 46 x Afl. 50,00 72 x Afl. 15,00 Mega Ball 05 Proximo Jackpot <b>350.000,-</b> <b>Afl. 450.000,-</b>	<b>KORSOU</b> Sorteo # 
---	---	---	---	--

LEY CU TA LIMITA UZO DI PRODUCCIONAN DI **TABACO**



**PROTEHANDO SALUD PUBLICO**

6 Ta prohibi pa vende of duna produccionan di tabaco na personanan bou di 21 aña







# VAPING TA AUMENTA RIESGO DI INSUFICIENCIA CARDIACO DEN CASI 20%

Un estudio cu a tuma lug a lo largo di cuater aña, ta sugeri cu esunnan cu ta uza sigaria electronico, tin 19% mas di probabilidad di desaroya insuficiencia cardiaco, segun un estudio presenta den e sesion cientifico anual di Colegio Mericano di Cardiologia (ACC).

E eleccion aki ta tuma lug

ora cu e curason ta bira demasiado stijf of demasiado debil pa pomp sanger cu eficacia debido.

E dispositivonan electronico di administracion di nicotina, cu ta inclui den e sigarianan electronico, vaporizado, ciga electronico, pipa y hookah electronico, ta suministra nicotina den forma di spray, sin com-

bustion.

E investigadonan a analisa e datonan di encuesta di e programa 'All of Us', un estudio di adulto realisa riba escala nacional p'e Instituton Nacional di Salud riba 175.667 participante, cu un edad promedio di 52 aña y di cual 60,5% tabata hende muhe, segun e comunicado di ACC.



Den cuadro di e investigacionj, e expertonan a tuma na cuenta un serie di factor demografico relaciona cu e consumo di alcohol y di tabaco di e participantenan.

Desde cu a introduci nan pa prome biaha na final di

e decada di 2000, e productonan electronico di nicotina a posiciona como un alternativa mas sigur cu tabaco. Sinembargo, un cantidad creciente di investigacion a bin ta aumentando e preocupacion riba e posibel efectonan negativo pa salud.

# A revela efecto di substituto di salo pa preveni morto prematuro

Un grupo di cientifico Australiano a descubri cu e consumo di un substituto di salo lo por ta relaciona cu un menor riesgo di morto prematuro, principalmente esun causa pa malesa cardiovascular.

Pa elabora nan estudio, cual resultado a wordo publica dialuna den e revista Annals of Internal Medicina, e investigadonan a efectua un revision sistematico di 16 diferente ensayo entre 35.251 participante cu un edad promedio di 64 aña y un riesgo di malesa cardiovascular superior promedio. E ensayonan a wordo publica prome cu dia 23 di augustus di aña pasa.




E ensayonan a realisa principalmente na China, pero tambe na Reino Uni, Taiwan, Hulanda y Noruega. Den curso di e investigacion, a compara e uzo di salo comun - componi 100% di cloruro di sodio - cu e uzo di un substituto componi den un 25-30% di cloruro di potasio y un 60-75% di cloruro di sodio.

Segun e estudio, e substitucion di salo a relaciona cu un reduccion di sodio den e orina y di e presion di sanger, cu un efecto similar n'esun di e medicamentonan uza pa trata e afeccion aki. Tambe,

e cientificonan a haya cu e substituto di salo a resulta hopi eficaz pa mehora e resultadonan cardiovascular ora cu uz'e a largo plaso.

Dado cu dos tercio di e resultadonan a bin di China, e cientificonan a cualifica e pruebanan di "siguridad abao" den e publicacionnan occidental, ya cu no tin evidencia suficiente riba e efecto di e substitutonan di salo pafo di e paisnan Asiatico.

Tambe, e resultadonan no por wordo generalisa, ya cu e patronchinan di consumo di salo den Occidente ta impulsa pa cuminda procesa y take away, mientras cu e investigacion ta basa riba preparacion di alimento na cas.



5	3			7				
6			1	9	5			
	9	8					6	
8				6				3
4			8		3			1
7				2				6
	6					2	8	
			4	1	9			5
				8			7	9

	3	8	5	7			9	
	6			1		5		7
	1		3		9		8	
6	9	3		4		7		
2		4			5		6	1
				8			4	9
8			4			9		
3					8	6	7	
5	7		1					4



# TEAM DI ARESTO TA DEN UN ENTRENAMIENTO INTENSIVO CU EXPERTONAN HULANDES PA ASINA PRONTO DAL UN HIT DURO NA BAHO MUNDO!

Den e dianan aki lo por mira e team di aresto den entrenamiento pisa pa asina nan avansa den un caso cu pronto lo sali na cla.

Esaki ta bao guia di expertonan hulandes y pronto nos lo haya sa mas informacion di esaki.

Nos tambe lo ta preparando pa e caso aki y ta hayando algun guia con pa lo bay atende e caso grandi aki, keda pendiente



## Tata, Involucra den bida di bo yiu

Un berdad ta cu nos tur tin of tawatin un tata. Un otro berdad ta tambe cu nos tur tin un otro experiencia cu nos tata. Algun di nos tin of tawatin e tata cu semper ta disponibel. Esun cu semper ta pone su mesun plan nan un banda pa asina aki cumpli cu e plan nan di su yiunan. Otro tin of tawatin e tata cu emocionalmente ta desconecta di su yiunan. Esun cu nos no sa si e tey of no tey na cas. Algun otro tin of tawatin e tata emocionalmente agresivo cu su grito, insulto y violencia. Tin cu nan tata a fayece y esnan cu door di separacion for di e mama, e tata ta denta y sali cada bes for di bida di su yiunan.

Nos ta un yiu y sa kiko nos a sinti falta di dje den nos bida como mucha. Tur e momentonan cu nos tata a haci un promesa na nos y nos a bira asina contento y ilusiona, y cu despues door di incumplimento di nos tata a desilusiona. Nos ta sintie te cu dia di awe. E momentonan cu nos tata ta of tawata presente den nos bida solamente pa disciplina, tambe ta presente den nos memoria awe.

No ta importa cua di e tatanan ariba menciona nos tin of tawatin den nos bida, e ta na nos awor pa redefiní e rol di tata den bida di nos yiunan. Bo rol como tata ta cuminsa prome cu parto y bo rol como tata no ta termina nunca. E involucracion cu bo yiu prome cu parto caba, lo zorg pa crea un relacion cu ta duna bo yiu e confiansa pa yega serka bo den su momentonan di reto den bida. Y nunca, pero nunca bo rol como tata lo caba. Paso hasta despues di morto bo lo laga un recuerdo positivo of negativo atras. Nos ta ilustra na nos yiunan homber, ki clase di hende homber nan mester ta den bida. Nos yiu muhernan ta mira den nos e clase di hende homber cu lo tuma parti di nan bida mayan.

E normalisacion cu e tata no ta involucra den bida di su yiunan, por termina awe. Awor nos ta haya e chens pa nos si haci otro. Estudio ta muestra cu na momento cu un tata ta involucra den bida di su yiunan, e ta crea hunto cu e mama un fundeshi fuerte pa su yiunan. Muchanan cu tin participacion di nan mama y tata den nan bida ta muestra cu emocionalmente, socialmente y nan estudio ta prominente. Tambe estudio ta muestra cu violencia y pobreza tin un correlacion cu ausencia di tata den bida di nan



yiunan.

Tata, involucra den bida di bo yiu. Crea un relacion, crea un cambio. Locual cu abo a sinti falta di dje como mucha door di ausencia di bo tata den bo bida, abo por duna awe na bo yiunan. Nos ta bira mihor tata door di ta involucra den bida di nos yiunan. Sociedad, gobierno, institutonan, doño di trabao, famia, amistad, mama, duna nos tatanan sosten den esaki. Cambio di pensamiento, cambio den relacion y cambio di 'beleid', ta importante pa como un sociedad nos cura y crece pa cu e tema aki. Involucracion di tata den bida di nan yiunan ta un preocupacion di nos tur.

Fundacion Telefon pa Hubentud Aruba a tuma su responsabilidad pa cu e tema aki y a crea y ta implementa e proyecto Best Dad Ever. Best Dad Ever ta un proyecto cu ta stimula participacion di tata den bida di nan yiunan. Best Dad Ever por tuma lugar danki na sosten di Setar N.V, Web Aruba N.V, Aruba Airport Authority N.V. y The Salamander Group.

Pa mas informacion tocante participacion di tata den bida di nan yiunan por tuma contacto cu Fundacion Telefon pa Hubentud Aruba via nos facebook: <https://www.facebook.com/telefon.hubentud/>, email: [telhubentud@gmail.com](mailto:telhubentud@gmail.com) of telefon 5886138/ 5884011.



# FORTALEZA PA FAMILIA

Scirbi pa Pastor Marcel Balootje

## DIOS TIN PODER PA CAMBIA TUR SITUACION

No tin nada imposibel pa Dios, no tin asunto cu Dios no por soluciona, aunke e cos por parece imposibel, aunke porta por sera, Dios semper tin un entrada, pasobra Dios ta Soberano, y tur hende mester comprende, y reconoce esey.

Den e tempo cu nos ta biba aki, hopi biaha mundo kier silencia esnan cu ta papia di Dios, pasobra forsan diabolico, satanico, spirito di anticristo ta moviendo, tratando di domina mundo cu negativismo.

Pero aunke cuanto e diabel

gruñe e poder di Dios ta aumenta dia pa dia den esnan cu ta kere, y ta usa Su nomber manera E a bisa, cu tur locual nos pidi den nomber di Cristo Hesus, nos Tata cu ta den cielo ta hacie pa nos.

Den cada hogar nos mester keda para firme riba e palabra di Dios, pasobra solamente asina nos por mira e man di Dios move.

Mateo 18:19-20 Cristo Hesus ta hala nos atencion bisando: Atrobe mi ta bisa boso, cu si riba tera dos di boso bay di acuerdo to-

cante di cualkier cos cu boso pidi, esaki ta wordo haci pa nan door di mi Tata cu ta den cielo. Pasobra caminda dos of tres ta reuni den mi nomber, ey mi ta mey mey di nan.

Den Juan 15:5 Cristo Hesus ta bolbe recorda nos cu: Ami ta e mata di wijndruif, boso ta e ramanan, esun cu ta keda den mi, y Ami den dje. Esey ta duna hopi fruta, pasobra separa di Mi boso no por haci nada.

Si boso keda den Mi y Mi palabranan keda den boso, pidi tur loke boso kier y esaki lo wordo haci pa boso. (Juan 15:7).

Segun nos lesa nos bijbel nos ta siña conoce cuanto privilegio nos tin den Cristo Hesus, pesey ta masha importante pa lesa e Palabra di Dios, pasobra den dje tin poder pa crecemento.

E palabra di Dios ta stroba hende di tropica, y mas cu tur cos e ta habri nos wowo, pa asina libra nos di cay den trampa di enemigo, y warda nos for di tur trampa di scuridad.

E palabra di Dios ta siña nos pa reconoce y respeta Dios tur momento den nos bida, pasobra tur locual cu nos mester, ta bini di Dios.



Jeremias 32:27 ta bisa: Mira Ami ta Señor e Dios riba tur carni, acaso tin algo cu ta mucho dificil pa Mi? .

Pa medio di e palabra di Dios nos ta wordo conveni, di e grandesa di Dios pa nos bida y nos confiansa mester aumenta.

Sclama na Mi, y lo Mi contesta bo, y lo mi muestra bo cosnan grandi y poderoso cu bo no sa. (Jeremias 33:3).

Ta den Señor nos oracion y petitionnan lo wordo contesta, pasobra ta Señor ta nos refugio y nos speranza.

Hasta ora cos ta muestra hopi dificil, cu nos no ta mira salida e palabra di Dios ta bisa 2 Cronicanan 7:14.

Si Mi pueblo, cu ta wordo yama na Mi nomber,

humia nan mes, y haci oracion, y busca Mi cara, y bira for di nan mal caminda, e ora ey lo mi tende for di cielo, y lo pordona nan pica y cura nan tera.

Ora e spirito di negativismo, presenta nos tin suficiente palabra di Dios pa corre cune, no acepta ningun stress tampoco depression, pasobra tur cos nos por den Cristo cu ta nos fortaleza, ora nos ta obediente na su Palabra.

Señor ta scucha oracion, Señor ta libera tur esnan cu ta oprimi door di forsan di scuridad.

Bin cerca Mi tur cu ta cansa y carga y lo Mi duna boso sosiego (Mateo 11:28).

Sinceramente, Pastor Marcel Balootje.

### ORACION DI DIA



Un dia fructifero colma cu e bendicion y forsa di ariba y yena cu Spirito Santo

"Pasobra esun cu Dios a manda ta papia palabra di Dios; pasobra Dios ta dun'E Spirito Santo na abundancia." Huan 3, 34

Dios a manda Hesus pa siña cada un di nos con nos mester biba. Cu nos mester kere y obedece Dios. Kere den Esun cu Dios a manda, acept'E y respet'E. Ta berdad cu nos ta biba riba e mundo aki pero nos no ta pertenece na e mundo aki. Nada di e mundo aki por duna nos e felicidad berdadero. Solo Dios por haci e hende feliz. P'esey laga nos haci nos maximo esfuerso pa agrada Dios y biba di acuerdo cu Su santo voluntad.

Ban pidi Dios pa prepara nos pa ricibi Esun cu E lo manda for di shelo pa nos mescos cu E la baha riba Hesus riba dia di Su bautismo cu ta e

Spirito Santo di Dios. E ta Esun cu ta yuda nos y siña nos loke ta e berdad pa nos keda pertenece na Su reino y nos por ta e testimonio cu ta confirma cu Dios semper ta e berdad. Door di esey nos ta haya un bida nobo hunto cu Hesus cu a resucita canando riba e caminda di bida eterno. E unico caminda, berdad y bida cu ta hiba nos na salvacion.

Oracion: Tata Celestial duna nos e gracia pa acepta, kere y respeta Bo Palabra. Laga Bo Spirito Santo por baha riba nos y duna nos e uncion cu semper Bo tin warda pa nos. Amen.

### PRONOSTICO DI TEMPO

TE DIAHUEBS 11 DI APRIL 2024, 18:00 ORA

#### TEMPO:

AWE TARDI Y AWE NOCHI: PARCIALMENTE NUBLA  
Y GENERALMENTE SECO  
DEN MARDUGA Y MAYAN: PARCIAMENTE NUBLA CU UN AWACERO PASAJERO

TEMPERATURA MAXIMO 33 GRADO CELSIUS

TEMPERATURA MINIMO 27 GRADO CELSIUS

INDICE DI CALOR (HEAT INDEX) DEN Y ROND

DI ORANAN DI MERDIA: 34 PA 39 GRADO CELSIUS

UV INDEX: 12

#### AVISO/ ALERTA:

TA SUGERI OCUPANTENAN DI BOTO CHIKI-TO PA BAI  
CU CAUTELA NA PARTINAN OOST TE NOORDWEST DI COSTA.

PRONOSTICO DI TEMPO PA PROXIMO 3 DIANAN:

PARCIALMENTE NUBLA SIN AWACERO DI IMPORTANCIA.

BIENTO LO TA MODERATE BASTA FUERTE FOR DI

DIRECCION OOST; FUERTE TE DURO DEN RAFAGA.

TEMPERATURA (GRADO CELSIUS) MAX / MIN LO TA: 33 / 27